


MOJAKO GO YA PELONG

 . . .mašela le disakatuku, gomme ke kgopetše badiredi bohle go tla pele, le baratwa, gore re kgone go bea diatla tša rena godimo ga mašela a, le go kgopela Modimo go thuša.

² Tate wa Legodimong, kereke ye, ka mmero o tee, e tla go Wena, e kgopelela disakatuku tše go tlotšwa ka Moya wo Mokgethwa, gore ge di eya pele go bewa godimo ga balwetši le batlaišwa, a nke yo mongwe le yo mongwe a fodišwe. Ge re rapela ka mmero o tee re kgopela kgaogelo Kgethwa ya Modimo bakeng sa balwetši le batlaišwa, go ya ka Mangwalo le mahumo a Jesu Kriste le mogau wa Gagwe. Re a e kgopela, Leineng la Gagwe, le bakeng sa letago la Gagwe. Amene.

³ Ke a go leboga, ngwanešu. Ke a go leboga, ngwanešu. Le ka dula. Ke a go leboga.

⁴ Ye e bile dibeke tše pedi tše kopana maatla go nna, le go tseba gore gosasa go fetša kopano ye. Ke be ke no botša Ngwanešu Shores, ka fao ke lebogago tirišano ya gagwe ye kaone. Gomme Ngwanešu . . .banešu bohle, le dikgaetšedi tšohle, le bohle bao ba tsenago, Foursquare, Church of God, Jesus' Name, Faith Tabernacle, le tšohle tša tšona, Assemblies, le yo mongwe le yo mongwe, ka kgonthe re leboga tirišano ya lena.

⁵ Gomme bjale gosasa, ge go na le baeng fa, bjale, ke nyaka le hwetše dikereke tše moo lena, kereke ya lena beng ya kerekeleina ya lena beng gomme le ye fao, kereke ya kgetho ya gago, kae kapa kae o nyakago go ya, go tla ba le ditirelo go tšohle tša tšona gosasa. Gomme bjale, ga re . . .re—re no fa, mohuta wa, go tsena ka mokgwa wo, gomme, ra etela.

⁶ Gomme, nnete, rena, ge o se ne kereke, re tla thaba go ba le wena gosasa bošego. Eupša ge kereke ya geno e na le tirelo gosasa bošego, woo ke mošomo wa gago, leo ke lefelo la gago la mošomo kerekeng ya geno. Ga re nke ra nyaka e ka ba mang go šikologa kereke ya gabobona. Ga re ke ra nyaka e ka ba mang go tšea tšhelete ge ba ka bea ka kerekeng ya gabobona, go thekga ye nngwe ya dikopano tše ka tšhelete. Aowa, mohlomphegi. Yeo . . . Karolo ya lesome ya gago le meneelo di ya ka kerekeng ya geno.

⁷ Ge o ikwela go thuša ka go ye nngwe ya dikopano tše, goba se sengwe, morago ga ge kereke ya geno e hlokometšwe, seo se kaone. Eupša ga re ke ra nyaka go tšea sente e tee go tšwa kerekeng e ka ba efe, re leka go thuša kereke yela, re leka go dira tšohle re ka kgonago gore o tla ba moleloko yo mokaone wa kereke yela. Ga go kgathale ke kereke efe, re nyaka o be moleloko wa kgonthe wa go botega, gomme o direle Morena Jesu ka pelo ya gago yohle.

8 Bjale, gomme gona gosasa bošego ke tirelo ya go tswalela gomme. . . A le ratile tirelo ya phodišo ya bošego bja go feta? A yeo e be e le. . . ? Le rata mohuta woo wa. . . ? Gabotse, le ka rata bjang go ba le ye nngwe gosasa bošego? A seo se tla ba kaone? Go lokile, gona ke tla ba le bona go fa dikarata tša thapelo gape gosasa bošego e ka ba ka iri ya boselela, bjalo ka mehlang, goba nako efe kapa efe bona. . . Ke eng, e ka ba ya boselela goba. . . ? Ya boselela, go lokile, iri ya boselela. Go lokile, iri ya boselela. Gomme kafao, ba tla ba fa go fa dikarata tša thapelo gosasa bošego. Gomme re tla rapelela balwetši gape gosasa bošego ka go—ka go mothalo wa thapelo.

9 Mang kapa mang a ka ba le tšona, ga di ne—ga di ne tefo, ga o di lefele peni, o no tla, ke mahala. Ke ka baka leo ke nago le morwa wa ka go di fa. Gore go ka se be—go ka se be ditefelo go tšona, go ka se be tlhompho. . . re no di fa. Mang kapa mang a di nyakago, e no di tšea. Dinako tše dingwe ge re na le. . .

10 Gona ke a mo kgopela gape, gore ge re na le methalo moo re swanetšego go no bitša di se kae, ke mo kgopela go emelela pele ga batheeletši, le go hlakanya dikarata tšela tšohle mmogo, gomme morago go no di fa. Gobane ga go yo motee. . . Gomme o. . . Le go e dira kgonthe gabedi, ga go yo a tsebago moo mothalo wa thapelo o yago go thoma ka kopanong yela. Ebile ga ke tsebe nnamong, yeo ke therešo. Ke eme fa, gomme moo Morena a beago godimo ga pelo ya ka go thoma, fao ke mo ke thomago.

11 Ke be ke fela ke eba le ngwana yo monnyane go tla godimo gomme a bala, gomme e ka ba kae a bego a tla ema, ke be ke tla thoma go tloga fao. Seo ga se sa šoma gabotse kudu, le a tseba, mama o bile le Junior a eme feela tlwa moo nomoro ya gagwe e bego e le. Kafao, re sa mekamekana le batho. E be e le se sebotse, eupša e be e no se be gabotse go batho.

12 Gomme kafao, gona re ya tlase, pele ga kopano re tla fa dikarata tšohle tša thapelo. Ke ge ba bile le dikopano tše kgolo, gomme go bile le mohlomongwe makgolo a tšona ba di fago. Gabotse gona, ke. . . Ga go bohlokwa bja e ka ba mang a etla ka morago ga bošego bjola bja mathomo. Ge eba re be re le fale dibeke tše pedi, nka se tsoge ka di fetša tšohle, e ka ba tše tshela goba tše seswai ka bošego, lesome, le a bona, nka se tsoge ka di fetša, kafao seo ga se sa šoma. Batho, ge ba be ba se gona letšatši la pele ga se ba be le sebaka go tsena ka mothalong wa thapelo.

13 Ka tsela ye, yo mongwe le yo mongwe o a tla. Yo mongwe le yo mongwe o na le sa go swana go lekana. . . Gomme re leka bjale go no ya go kgabola mothalo, go rapelela sehlopha ka moka, gomme mang kapa mang a nyakago go rapelelwa, ke nagana seo ke se sekaonekaone re ka kgonago go se dira. Re hlaloša tumelo, gore ke tumelo ya gago ye e go fodišago.

14 Bjale ke nyaka go bala bošegong bjo, ge eba le šala Mangwalo morago, ke nyaka go bala go tšwa go Puku ya Kutollo ya Jesu

Kriste, e lego seo e lego. Kutollo ya Jesu Kriste tema ya 3. Morena a šegofatše Lentšu la Gagwe. Gomme re nyaka go bala seemo sa kereke ya letšatši le, lebaka la Kereke ya Laodikia. Go thoma ka temana ya 14:

*. . . go morongwa wa kereke ya . . . Laodikia ngwala;
Dilo tše go boletše Amene, hlatse ya go botega le therešo,
mathomo a tlholo ya Modimo;*

*Ke tseba mediro ya gago, . . . ga o tonye ebile ga o fiše:
Ke duma gore o ka be o tonya goba o fiša.*

*Kafao gona gobane o bolelo, gomme ga o tonye goba
go fiša, Ke tla go tshwa molomong wa ka.*

*Gobane o re, ke humile, gomme ke atetšwe ke
diphahlo, . . . ga ke hloke selo; gomme ga o tsebe gore
o madimabe, . . . o a nyamiša, . . . o a diila, . . . o fufetše,
gomme o hlobotše:*

*Ke go eletša go reka go nna gauta ye e lekilwego ka . . .
mollo, gore o hume; le seaparo se sešweu, gore o apare, le
gore dihlong tša gago tša go hlobola ga gago di se bonale;
gomme tlotša mahlo a gago ka sehlare sa mahlo, gore o
ke o bone.*

*Ba bantši ba Ke ba ratago, Ke a ba sola le go ba
kgalema: kagona phafoga, gomme o sokologe.*

*Bona, Ke eme mojakong, gomme ke a kokota: ge motho
e ka ba mang a ekwa segalontšu sa ka, gomme a bula
mojako, Ke tla tla ka gare go yena, gomme ka lalala le
yena, gomme yena le nna.*

*Go yo a fenyago Ke tla mo fa go dula le nna ka teroneng
ya ka, ebile bjalo ka ge le Nna ke fentše, gomme ke dutše
fase le Tate wa ka ka teroneng ya gagwe.*

*Yo a nago le tsebe, a nke a kwe se Moya o se botšago
dikereke.*

¹⁵ A nke Morena a oketše ditšhegofatšo tša Gagwe palong ya Lentšu.

¹⁶ Gomme bjale, le se lebale, rapelang. Re be re tlwaetše go opela pina ye nnyane ka kerekeng ya rena. Ga ke ge eba le a e opela mo goba aowa. Ga se ka kgona go opela, ka mehla ke be ke nyaka go dira. Eupša ke—ke naganne ke tla e leka, eupša mogalatšhika wa ka o ka se ntumelele go e dira. Ke tla no e bolela:

*Rapela, rapela, tsela e nnoši
Go fihlelela lefelo la godingwana;
Rapela, rapela, thapelo ya tumelo
E tla tliša ditšhegofatšo tša Modimo fase.*

Yeo ke nnete.

17 Ke ba bakae ba ratago moopelo wo mobotse? Oo, yeo e kaone. Ke no o rata. Ke kwele yo Ngwanešu Mushegan fa mosong wo a opela tlase fale mo difihlolong. Gomme a nako ya go kgahliša re bilego le yona! Ke no rata go opela le go opela ga semoya. Ke rata moopelo wo mobotse wa kgale, wa Pentecostal, go opela ka Moya. Ke a boifa go kwa segalontšu se se hlahlilwego go feta tekanyo. Mmm! Ba swera mohemo wa bona go fihla ba fetoga bolou ka sefahlegong gomme ga ba tsebe ke eng. . . Ba no opela go hwetša, go kwewa. Eupša ke no rata wo mobotse, wa fešene ya kgale, moopelo wa Pentecostal feela moo ba phaphathago diatla tša bona gomme ba ipshina. Woo ke moopelo wo mobotse. Ka mehla ke be ke nyaka go opela pina yela:

Mogau wa go makatša! modumo o bose bjang,
 Wo o phološitšego leratha boka nna!
 Nkile ka lahlega, eupša bjale ke hweditšwe,
 Ke be ke fufetše, eupša bjale ke a bona.

18 Ga—ga ke ne segalontšu go opela. Eupša letšatši le lengwe ge bohle le fihla godimo ka Lehlakoreng le lengwe, gomme le phela ka ntlongkoparara ya lena ye kgolo godimo kua felotsoko, leno tagafatša Modimo, tlaselase ka dikgweng go ne ntlo ye nnyane ya dikota, e dutše fase fale mo khoneng. Gomme ge o sepelela ntle mathuding a gago a ka pele mosong wo mongwe, o lebelela go eme fale mo ntlong ya dikota, o kwa segalontšu se etla godimo go kgabola dikgwa se opela, “Mogau wa go makatša! modumo o bose bjang, o phološitše leratha boka nna.”

19 O re, “Tumišang Modimo, mokgalabje Ngwanešu Branham o e kgonne, šole yena, o kgona go e opela bjale.” Mafelelong o e kgonne, o ile godimo ka Lehlakoreng le lengwe.”

20 Gomme ge. . . Tsela e nnoši nka tsogego ka fihla kua ke ka mogau wa go makatša wa Jesu Kriste. Ke a Mo rata, ke a Mo tshepa, eupša go tla tšea mogau wa Gagwe go ntlīša godimo ka Lehlakoreng le lengwe. Kagona, ga ke tshepele ka go bokgoni e ka ba bofe, ga ke nabjo, ke tshepetše go se A ntiretšego.

21 Yena ke Mmoelanyi wa ka, Yena ke Seloba sa dibe tša ka, Yena ke Meetse a karogano, Yena ke Alefa, Omega, Yena ke Bophelo bja ka, Tswalo ya ka, Tate wa ka, Mme wa ka, Kgaetšedi wa ka, Ngwanešu wa ka, Morena wa ka, Kgoši ya ka, Mophološi wa ka, Mofodiši wa ka, O no ba Tšohle ka go Tšohle go nna.

22 Ke rata baena ba ka, ke rata dikgaetšedi tša ka, eupša, oo, lerato lela la phileo le ka se tsoge la tšea legato la lerato lela la Agapao la Moya wo Mokgethwa. Ke rata mogatšake, bana ba ka feela bontši bjalo ka ge mogatša goba tate e ka ba mang a ka kgona, eupša go ka se tsoge gwa kgwatha lefelo le lekgethwa lela la lela:

Lerato la Modimo, le humile le go hlweka
 gakaakang!
 Ka fao le hlokago magomo le go tia!

Le tla ema go ya go ile,
Pina ya bakgethwa le barongwa.

23 Oo, ke rata yela! Bokaone ke eme bjale.

24 Ka go temana ya 20 ya tema ye e itšego ye ya Kutollo mo, tema ya 3 gomme temana ya 20, ke nyaka go bala sehlogo, ge nka se bitša seo, go bolela lebakana le lennyane, gomme morago re bone se Tate wa rena wa Legodimong a tla ratago re se dira, ga ke tsebe.

Bona, Ke eme mojakong, gomme ke a kokota: ge motho e ka ba mang a ekwa segalontšu sa ka, gomme a bula mojako, Ke tla tla ka gare go yena, gomme . . . ka lalela le yena, gomme yena le nna.

25 O re, “Ngwanešu Branham, seo ke sehlogo se sennyane kudu go lešaba bogolo bjo.”

26 Eupša le a tseba, ga se bogolo bja sehlogo, ke diteng tše se di swerego. Go na le go lekanela ka kua go bula mahlo a modiradibe yo mongwe le yo mongwe ka lefaseng, go na le go lekanela ka kua go phološa lefase lohle. Le a tseba, dilo lehono, re lebeletše dilo tše kgolo, eupša re tlogela dilo tše dinnyane.

27 Fa nako ye nngwe ya go feta, ga ke ge eba nkile ka le botša ka yona goba aowa, e be e le ka toropongkgolo ye e itšego, mošemane yo monnyane o be a le godimo ka kamoreng ya godimodimo a lebeletše go dikologa, gomme o—o hweditše ka go theranka ya kgale setempe se sennyane sa poso, e ka no ba seripa sa intšhi e tee ya sekwere. Gabotse, o tsebile moo go bego go le mokgobokanyi wa setempe go theoga mokgotha, kafao o kitimetše go theoga mokgotha, o naganne mohlomongwe mokgobokanyi wa ditempe o be a tla mo fa disente tše tlhano bakeng sa setempe sa poso go ya ka alebamong ya gagwe, gomme e be e tla . . . o be a tla mo ikhweletša khouna ya aesekhrimi.

28 Gomme o kitimetše go mokgobokanyi wa setempe go theoga mokgotha ka lebelo ka kgonthe, gomme o rile, “Lebelela setempe se ke sa tšogo se hwetša,” gomme o mmitšhe ka leina la gagwe le le filwego. O rile, “O tla mpha bokae bakeng sa sona?”

29 Gomme mokgobokanyi wa ditempe o se lebeletše ka galase ya gagwe, se be se le sa kgale gomme se fetogile serolwana, o rile, “Oo, ke—ke tla go fa tolara bakeng sa sona.”

30 Oo, kgwebišano e dirilwe thwi ka pela, gomme kgwebo e be e kgatlampana. Yeo e be e ka ba dikhoune tše masompedi tša aesekhirimi. Oo, o rekišitše setempe thwi ka pela. Nka no ke akanyeditše godimo goba fase, eupša ke a dumela setempe sela se rekišitšwe e ka ba dibeke tše pedi moragwana bakeng sa e ka ba ditolara tše makgolotlhano. Gomme ka gona ka moragwana, se ile sa rekišwa ka tšhelete ye ntši kudu, gomme se ile pele le pele, go fihla ke no se tsebe bontši ka fao setempe sela se turwago. Ke se sengwe sa ditempe tše bohlokwa kudu tšeo di

lego gona alebamong ya mokgobokanyi. Ke eng e se dirilego go ba bohlokwa kudu? E be e se ka lebaka la bogolo bja sona, e be e se ka baka la pampiri ye se bego se ngwadilwe godimo ga yona, gobane e be e šetše e fetogile serolwana, eupša ke se se bego se le godimo ga sona se se bego se bolela.

³¹ Ke ka tsela ye go lego ka sehlogo se bošegong bjo goba Lengwalo e ka ba lefe. Ga se bogolo bja lona, goba pampiri ye le ngwadilwego godimo ga yona, ke se le ngwadilego godimo ga sona. Ke Lentšu la Modimo yo a phelago, leo le no bago ka Gosafelego bjalo ka Mongwadi wa Mongwalo, ye kgolo, gomme tshepišo ye nngwe le ye nngwe ke therešo. Ga se gwa tlwaelega, le gona, gobane le thala seswantšho sa yo mongwe a kokotago mojakong.

³² Ke no se kgone ka nako ye go bitša leina la motaki yo a ngwadilego seswantšho sela sa go tuma, goba a se thadilego, a ke re, a se pentilego. Gore o eme le go penta seswantšho sa Jesu a etla le go kokota mojako. . . Ke nagana gore e be e le rabokgabo wa Mogerika, e be e se Angelo, ga ke nagane, eupša ga ke na le nnete feela gore leina la gagwe e be e le mang. Eupša diswantšho tšohle tša go tuma, pele di ka tsebalega, di swanetše go ya go kgabola holo ya baswaswalatši.

³³ Ka mehla ke be ke gopola seo ka Kereke. Pele Modimo a ka tsoge a tšea Kereke ya Gagwe ka Tlhatlogong, E swanetše go ya go kgabola holo ya baswaswalatši, lefase, go E swaswalatša, go dira metlale ka Yona, go E bitša go tšwa leineng la Yona.

³⁴ Eupša ka gona, ge mafelelong se fetile go kgabola holo yela ya baswaswalatši, gona seswantšho goba sethalwa se ka lekeletšwa ka holong ya botsebalegi. Seo ke se Modimo a tla se dirago ka Kereke ya Gagwe, O tla E tlogela go kgabola tshwaswalatšo le tlhomaro ya lefase, eupša letšatši le lengwe O tla E tšela godimo ka moyeng le go E bea ka holong ya botsebalegi, a E dudiša ka lehlakoreng la Gagwe le letona.

³⁵ Motaki yo mogolo yo, go mo tšere nako ya bophelo go penta seswantšho. Ge, mafelelong, o naganne sohle ka sona se be se le komana bakeng sa holo ya baswaswalatši, gomme morago ga lebakana moswaswalatši yo mongwe o tlile, gomme ba rutegile go swaswalatša, baswaswalatši ba bagolo ba go tuma, gomme o rile, “Seswantšho sa gago ke seswantšho sa go ikgetha. Re kgona go bona, Jesu a etla bošego ka leswiswing la bophelo bja motho ka lantere ya Gagwe ka seatleng, go bona la go ratega, legae le lennyane le A tlogo go lona, le merara go dikologa mojako, le go ya pele, re Mmona ka tlhagišo godimo ga sefahlego sa Gagwe, a kokota, a theeditše, a leka go kwa ge eba go tla ba karabo go tšwa ka gare.”

³⁶ Moswaswalatši o rile, “Ga go selo go swaswalatša seo, o dirile setšweletšwahlwahlwa. Eupša go no ba selo se tee seo o šitilwego go se dira.”

Gomme motaki o rile, “Mohlomphegi, ke eng selo sela ke šitilwego go se dira?”

O rile, “O šitilwe go bea seswaro mo lebating.” O rile, “Ga go na seswaro go lona.”

“Oo,” go boletše motaki, “ke se pentile ka tsela yeo.”

Gabotse, o rile, “A ka tsoge a tsena bjang ka gare ge go be go se seswaro?”

O rile, “Seswaro se ka gare. Monna yo a lego ka gare o swanetše go bula.”

³⁷ “Ke eme, le go kokota mojakong, gomme ge motho e ka ba mang a ka bula!” Modimo ga a ngange pelo ya gago go bulega, O no kokota gomme wena o swanetše go e bula. “Ke eme, le go kokota, gomme ge motho e ka ba mang a ka kwa Segalontšu sa Ka, gomme a bula, Ke tla tla ka gare gomme ka lalela le yena, gomme yena le Nna.” Bjale, *go lalela* ka go Testamente ya Kgale, goba ka go matšatši a ka bohlabela a ketelo ya Morena go lefase, e bile, *go boledišana*. “Ke tla tla ka gare gomme ke tla ba le poledišano le yena, ra dula fase ra boledišana.” A ga o Mo nyake go dira seo le wena?

³⁸ Fa ka Phoenix mengwaga e se mekae ya go feta go bile le monna le mosadi ba opetše yeo, gomme ke na le yona godimo ga ye nnyane, rekoto ya rabara, *Ke Tla Rata Go E Boledišana Le Yena*. Ke swanetše go rera ka kereke yela gosasa moo ba tšwago yona, gomme ke a holofela ba gona, ke tla rata go e kwa gape.

³⁹ Ke tla rata go re, “Jesu, O nthatile ge tsela ya ka e fifala kudu.” Nako ye kgolokgolo ya bophelo bja ka ke ge nka kgona go dula fase, gomme tsela ya ka ya fifala, gomme ga se ke tsebe ke retologe le tseleng efe, bohlabela, bodikela, leboa, goba borwa, gomme go no e boledišana le Yena. Gomme selo sa pele le a tseba, ke be ke le ka lehlakoreng le lengwe la selo. Ke e boledišana le Yena.

⁴⁰ Ge motho a kokota mojakong [Ngwanešu Branham o kokota godimo ga phuluphithi—Mor.], o leka go hwetša botseno, o leka go tsena. O nyaka go bolela le wena, ke ka baka leo A kokotago. Bjale, ga se selo sa go se tlwaele go yo mongwe go kokota mojakong wa yo mongwe; re bile le yona go kgabola mabaka. Banna ba bagolo ba kokotile mejakong.

⁴¹ Mohlala, go ka reng—go ka reng bošegong bjo, ke eng ka matšatšing a Kesara, mmušiši yo mogolo wa Roma, ge a ile tlase ntlong ya mohumanegi, o kokotile mo mojakong [Ngwanešu Branham o kokota phuluphithing—Mor.], gomme mohumanegi o kitimetše mojakong, a bula mojako, gomme fale go eme mmušiši yo mogolo, yo maatla wa Roma a kokota mojakong wa gagwe? Gabotse, moisa yola wa go šokiša, yo monnyane o nyakile a eba le tlhaselo ya pelo. “Go nagana gore Kesara yo mogolo le yo maatla o eme mojakong wa ka!”

⁴² A tlhompho ye e tla bago yona go mmušiši wa Roma go kokota ntlong ya mohumanegi! Gobaneng, o tla, a roromela, a wa ka matolo a gagwe, gomme o tla re, “Mohlomphegi, ge go na le e ka ba eng yeo e lego ka go phihlelelo ya ka, yeo nka kgonago go go direla, mmušiši yo mogolo, ke tla dira eng kapa eng ye o nyakago ke e dira. Gomme ge go kgonega, hlompha legae la ka la go kokobela, le lennyane ka go bea maoto a gago ka mojakong. Go tla ba tlhompho gore legae la ka le ageleditše mmušiši wa setšhaba se segolo se.” Gomme e tla ba tlhompho.

⁴³ Goba ka Jeremane, mmušanoši yo a hlokofetšego, Adolf Hitler, ka matsatšing a bogolo bja gagwe ka Jeremane, ge a ka be a ile mojako wa lešole la Mojeremane gomme a kokota mojakong, gomme lešole le lennyane le ka be le kitimetše mojako, le sa tsebe ke mang a bego a kokota, gomme la goga mojako go bulega, gomme, gobaneng, ge nkabe a bone Adolf Hitler yo mogolo, führer wa Jeremane, a eme fale, lešole lela le lennyane le ka be le eme sešole, la mo fa salute ya Sejeremane ka dipounama tša gagwe di roromela le megokgo e kitima go theoga marama a gagwe, a ka be a rile, “Führer yo mogolo wa Jeremane, o hlomphile legae la ka. Tsena. O ntira ke ikwele gabotse kudu go tseba gore o tla tla mojakong wa ka. Ke tlotlo ye motho yo mongwe le yo mongwe a ka se kgonego go ba nayo, bakeng sa gago, Hitler yo mogolo, go kokota mojakong wa ka, le go tla fa go ntlotla ka bogona bja gago.”

⁴⁴ Goba ge Mopresitente Dwight Eisenhower, mopresitente wa rena wa go ratega kudukudu, ge a ka tla fa Phoenix gosasa, gomme a be a tla tla ntlong ya Modemocrat yo mokaonekaone a lego ka Phoenix, e be e tla ba tlotlo go wena, le ge o ka fapana le yena ka dipolitiking, efela ke monna yo mogolo, ke mopresitente wa United States ya rena. Ke monna wa go hlomphega, yo mongwe wa ba godimodimo, banna ba go hlomphega ba lego ka setšhabeng se ke mopresitente wa rena wa go ratega, Mna. Eisenhower.

⁴⁵ Feela e se kgale kgošigadi ya Engelane e etetše godimo fa. Go ka reng ge a ka be a tlile Phoenix, gomme a ile tlase ntlong ya gago, gomme a kokota mojakong, gomme o ka be o butše mojako gomme fale go eme kgošigadi ya Engelane mo mojakong wa gago? Le ge a se ne pušo godimo ga gago, ga o ka mmušong wa gagwe, eupša go le bjalo, o ka be o hlomphilwe go ba le kgošigadi ye kgolokgolo lefaseng a eme mojakong wa gago go go etela.

⁴⁶ O ka be o rile, “Kgošigadi, etla ka ntlong ya ka. Gomme ge go na le e ka ba eng fa yeo o e nyakago, oo, e tla ba monyetla go nna go go fa yona.”

⁴⁷ Nnete, ke mosadi yo mogolo. Yo mongwe wa dikgošigadi tše kgolokgolo lefaseng lehono ke kgošigadi ya Engelane. Ge a ka be a go kgopetše se sengwe se sennyane seo o se ratilego ka pelo ya gago yohle, o ka be o sa mo file sona. E ka be e bile tlhompho go

wena go e dira, go sa kgathale o se tšeela godimo bjang, o se file kgošigadi ye kgolokgolo ka lefaseng.

48 Le a bona, go ya ka bohlokwa bja motho mo mojakong wa gago. Ke nyaka go go botšiša se sengwe: Ke mang yo bohlokwa kudu go kokota mojakong wa gago go feta Jesu Kriste? O kae motho yo mogolwane yo a ka kgonago go kokota mojakong wa gago go Mo feta? Gomme O kokotile mamating a mantši go feta dikgoši tšohle di kilego tša ba lefaseng, goba di ka tsogego tša ba, gomme o gannwe gantši go feta e ka ba mang a kilego a ganwa. “Ke eme mojakong, gomme ke a kokota.” [Ngwanešu Branham o kokota godimo ga phuluphithi—Mor.] Modimo wa Letago!

49 Bjale, mohlomongwe, ge Mna. Eisenhower a ka kokota mojakong wa gago, ka kgonagalo o tla nyaka go mmulela, goba a ka no ba le se sengwe gape go se tšea go wena, monyetla tsoko go wena go mo direla; kgošigadi a ka no kwešiša gore o ne segopotšo se rilego seo o se tšeelago godimo, gomme—gomme o tla rata seo, a nyaka go tšea se sengwe go wena.

50 Eupša ga go bjalo ka Jesu, ge A kokota, O nyaka go go fa se sengwe: Selo se sekaonekaone se ka kgonago se ka go fiwa, bjoo ke Bophelo bjo Bosafelego. Leo ke lebaka la go kokota ga Gagwe. [Ngwanešu Branham o kokota godimo ga phuluphithi—Mor.] Gobaneng e ka ba mang a ka Mo ganago?

51 “Ke eme, gomme ke a kokota, gomme ge motho e ka ba mang a ka bula, Ke tla tsena go yena, gomme ka lalela le yena, gomme yena le Nna.” O nyaka go go fodiša, o nyaka go lebalela dibe tša gago. O nyaka go go direla se sengwe se sebotse, gomme efela batho ba Mo gana kudu go feta ba ka dira Mopresitente Eisenhower.

52 Bjale, ke nyaka go bolela se sengwe boka se: Ge Mopresitente Eisenhower a ka ikokobetša yenamong, goba kgošigadi ya Engelane, gomme o tla tla ntlong ya gago le go kokota mojakong wa gago [Ngwanešu Branham o kokota phuluphithing—Mor.], o tla ikgantšha ka yona go yo mongwe le yo mongwe, o tla nyaka yo mongwe le yo mongwe go tseba gore mopresitente o tla ntlong ya gago. Gomme efela Jesu a ka kokota mojako, gomme re lewa ke hlong go botša e ka ba mang ka yona, o lewa ke dihlong ka Morena Jesu ge A kokota, le go leka go go fa se sengwe.

53 Tšea mokgwatebelelo wa setšhaba, tšea mokgwatebelelo wa Phoenix. Ge Mopresitente Eisenhower, goba Mna. Nixon, motlatšamopresidente wa rena wa go ratega, a ka tla Phoenix le go ya go etela ntlo ya gago le go kokota mojakong wa gago, go tla ba go ditaba tša boditšhabatšhaba, gomme o tla hwetša ditumišo bakeng sa go ikokobetša yenamong. Batho bohle ba go šokiša ka boagišaneng bja gago le tikologong ya naga ba tla leboga go tsebeng gore monna yola yo mogolo o ikokobeditše yenamong go tla mojakong wa gago goba mojakong wa ka. Gomme efela, Jesu o a kokota bošego ka morago ga bošego ebile

le go digatamorokwana, bommalegogwana, diotswa, gomme O lahlelwa kgole bjalo ka lehlanya tsoko. Kahlolo e ya go ba eng?

54 Oo, o ka no re go nna, “Motsotso feela, Moreri, ke šetše ke amogetše Jesu ka pelong ya ka.”

55 Mohlomongwe seo e no ba se o se dirilego, o Mo amogetše ka pelong ya gago, eupša a o be o tseba ge A tsena ka pelong ya gago, O amogetšwe gakaakang morago ga ge A tsene?

56 Ge nka tla ntlong ya gago, gomme wena, ke kokotile mojakong wa gago, gomme o mpha seatla se setona sa kopanelo le go mpotša ke tsene, gomme morago o rile, “O ema thwi *fao*. O se ye go tsenatsena ka ntlong ya ka.”

57 Gabotse, yeo e ka ba tsela ye batho ba bangwe ba amogelago Jesu. Le a tseba, go na le go feta mojako o tee go ya pelong. Go na le mejako, dikamora tše nnyane, ka pelong, *fao* ke mo o dulago, ka go dikamora tše nnyane tše. Gomme ka gona ge . . . Go ka reng ge re ka lebelela ka godimo ga tše dingwe tša tšona dikamora gomme re bone tše di lego sona?

58 Bjale, naganang ka yona, go ka reng ge o etla ntlong ya ka, gomme o kokotile mojakong, gomme ke a tla ka bula mojako, ke tla re, “Tsena.” Gomme o a tsena, ke tla re, “Bjale, lebelela mo, ga ke nyake o tsenatsena ka ntlong ya ka. O ema thwi *fao* gomme o mpotše se o se nyakago, eupša o se ye go tsekella ka ntlong ya ka.”

59 O be o ka se ikwele go amogelwa. Ke be nka se ikwele go amogelwa ntlong ya gago.

60 Ge o nkamogela ka gare, ke go letetše gore o re, “Tsena, Ngwanešu Branham, ke thabile kudu go ba le wena! Ntlo ke ya gago, tšea taolo, dira se o nyakago go se dira.”

61 Oo, ke tla no dira seo. Ke a tsena, ka rola dieta tša ka, ka robala go putlaganya malao, ka ya ntle setšidifatšing, ka nkhweletša sangwetše ye kgolokgolo, gomme ka robala fale gomme ka ja. Ke tla ikwela gae. Yeo ke tsela ye Jesu a nyakago go dira ka pelong ya gago, O nyaka go ikwela gae, eupša re na le Yena a ganetšwa go dilo tše ntši.

62 “Bjale, Jesu, ke tla Go botša gobaneng ke Go dumelela ka mojakong wa ka, ga ke nyake go ya heleng, ke nyaka go phološwa bofelong bja bophelo. O ka tsena ka mojako, eupša bjale, O se ye go tsenatsena.”

63 Ge o tsena ka pelong ya motho, a re naganeng se, gore godimo ka lehlakoreng la letsogo le letona go na le kamorana ye nnyane, mojako wo monnyane, gomme yeo ke ye thata yeo batho ba bantši kudu ba sa nyakego e ka ba mang a e tsenatsena, gomme yeo e bitšwa, godimo ga mojako wola, “Mojako wa bophelo bja ka bja sephiri.”

64 “Bjale, Jesu, ke tla Go dumelela go tsena, eupša O se ye go tsenatsena bophelo bja ka bja sephiri. Ge eba ke swanetše go

emiša phathi ya ka ya karata, ge eba ke swanetše go tlogela se—se sehlopha sa kamora ya phulu seo ke kitimago le sona, o ge eba ke swanetše go bitšwa wa fešene ya kgale gobane ga ke kgoge disekerete le basadi ka moka, ge eba ke swanetše go tšhuma dišothi tša ka gomme nka se kgone go di apara boka basadi ka moka, O dula thwi fao, o se ke wa ntsenatsena.”

65 Yeo ke tsela ye bontši bja Bakriste ba amogelago Jesu. A ka se amogelwe ka pelong ya gago.

66 “O se tsenatsene e ka ba efe ya ka . . . Ke nwa piri ye nnyane ya leago, gomme ga ke nyake O tshwenya ka seo, feela ke—ke tla Go dumelela go tsena gobane ga ke nyake go ya heleng.”

67 Bjale, a yeo ke tsela ye o amogetšego Jesu? Jesu ga a nyake go tsena ka mokgwa woo. Ge A kokota pelong ya gago [Ngwanešu Branham o kokota godimo ga phuluphithi—Mor.], ge A tsena O nyaka go ba Morena wa gago. *Morena* ke bobuši. O tla ka pelong ya gago, a tseba gore O itiretše pelo yela Yenamong. Mmele ohle ka moka o ka kgona go ba le wona, eupša pelo ke tora ya taolo, gomme O nyaka go tla pelong ye, gore A kgone go go etapele, go ba Morena. O Mo nyaka bjalo ka Mophološi wa gago, eupša e sego Morena wa gago.

68 Batho ba bantši kudu ba re, “Oo, ke Mo nyaka bjalo ka Mophološi wa ka, ke Mo amogetše bjalo ka Mophološi wa ka.”

69 Seo ke se sebotse, eupša a o Mo amogetše bjalo ka Morena wa gago, go ba mmuši godimo ga gago, go go buša, go go hlahla, go sepelela ka mojakong wola wa bophelo bja gago bja sephiri le go hlwekiša sekhutlwana, go tšea Madi a Gagwe Mong le go a penta godimo ga maboto?

70 Ka gona thwi kgauswi le woo ke mojako wo mongwe wo monnyane o bitšwago, “Boikgantšho.” Oo, woo ke wona wa go šiiša! Yo mongwe le yo mongwe o nyaka boikgantšho bjo bonnyane. Ge o sa kgone go dumelela Jesu go tsena le go thopa boikgantšho, gona Jesu a ka se dule, O tla tšwa thwi. Ge o nagana gore o kaonana go feta ba ga Jones, o otlela koloi ye kaonana, goba o ja dijo tše kaonana, o apara diaparo tše kaonana go feta tša ba ga Jones, gomme o kgwakgetše, gona Jesu o tla tlogela pelo yela ka mojako wa go swana A tsenego go wona.

71 Oo, letšatši le la dintsanantsana, boitirišo bja mabaibai! Ke thabela batho bao ba nago le, le tsela, yeo ke pelo ye e ineetšego, gore Jesu a kgone go tsena gomme a ba Morena, le Modimo, le Mophološi, le Molaodi. Ge o tsenya Jesu ka pelong ya gago, boikgantšho bjohle bjola bo tla tšwa.

72 Ke go botša se e tla go direlago, kolobetšo ye botse, ya fešene ya kgale ya Moya wo Mokgethwa e tla dira para ya dioborolo le sutu ya tuxedo ba bea matsogo a bona go dikologana seng sa bona, ba bitšana ngwanešu seng; e tla dira roko ya kaliko le siliki go gokarana seng, gomme ba re, “Kgaetšedi!” Seo ke se Jesu a se dirago ge A le Morena, eupša O no ba Mophološi, gabotse, seo ga

sa lekanela. Ge A le Mophološi, O swanetše go ba Morena gape go go hlahlala go phološo ya Gagwe ge A le Mophološi.

⁷³ Go na le mojako wo mongwe wo monnyane feela go dikologa khona, ke mojako wa tumelo. Oo, go na le ye mentši ya yona. A re boleleng ka tumelo nakwana feela.

⁷⁴ “Bjale, ke tla go dumelela go tsena, Jesu, eupša ke na le tumelo ya ka.”

⁷⁵ Gabotse, A ka se kgone go go direla bontši ge o na le tumelo ya gago mong. Ga ke nyake tumelo, ke nyaka tumelo ya Gagwe. Tumelo ya ka ga se ya loka, tumelo ya Modimo ke ye re e hlokago, tumelo ya Modimo ka go rena. Tumelo ya ka ga se ya loka, tumelo ya gago ga se ya loka, go tšea Kriste go tsena le go ema ka mojakong wola wa tumelo gomme a ba Morena, Morena godimo ga tumelo ya gago.

⁷⁶ Ge o bala ka Beibeleng, “Jesu Kriste, wa go swana maabane, lehono, le go ya go ile.”

Tumelo ya gago e tla re, “Seo ga se kgonagale.”

Eupša tumelo ya Gagwe e tla re, “Amene, Ke nna.”

⁷⁷ Ge moswaswalatši a re, “Matšatši a mehlolo a fetile.”

Tumelo ya Modimo e tla re, “Ga a tsebe se a bolelago ka sona.”

⁷⁸ Ge moswaswalatši a re, “Jesu ga a fodiše.”

Moya wo Mokgethwa o emego mojakong wa tumelo ya gago o tla re, “Ke nna Morena yo a fodišago malwetši a lena ohle.”

⁷⁹ Go no dira phapano kudu go Mo dumelela mo mojakong wola wa tumelo. Le a tseba, Lengwalo le re bego re le bala lebakana la go feta le boletše gore “O hlobotše, gomme o a nyamiša, o modiidi, o madimabe le go fofala, gomme ga o e tsebe.” Leo ke leemo le kereke e tla tlogo go lona, e hlobotše.

⁸⁰ A o ka eleletša monna mo mokgotheng a hlobotše, gomme a sa e tsebe? Ge monna a e tseba, o tla ithuša yenamong, goba mosadi mo mokgotheng, goba yo mongwe yo a sego a apara. Gomme ge ba tseba gore ba ka tsela yeo, ba tla leka go ithuša bonabeng, eupša taba ya go šokiša: ba hlakane bjaša kudu ga ba e tsebe.

⁸¹ Gomme lehono, batho ba sepela mekgotheng ya ditoropokgolo tše ba hlobotše pele ga Modimo gomme ga ba e tsebe. Yeo ke karolo ya go šokiša. Ba leka go khupetša ka thutotumelo tsoko ya kereke, boka Efa a dirile ka serapeng sa Edene, madirwakemotho, matlakala a mogo. Modimo o nyaka seapešo sa Madi a a tšholotšwego. “Eletšwa ke Nna gore o hwetše seaparo se sešweu go khupetša go hlobola ga gago.”

⁸² Gomme O rile, gape, “Wena o sefofu,” go bolela semoyeng, “sefofu, gomme Ke tla go eletša go reka Sehlare sa mahlo se rilego go tšwa go Nna.”

⁸³ Le a tseba, Modimo o na le phodišo ya se sengwe le se sengwe, disoulo tša go babja ka sebe, mebele, bakgelogi. E ka ba eng o lego, Modimo o ne kalafi ka rakeng ya Gagwe ya dihlare ye kgolo.

⁸⁴ Le a tseba ge ke be ke sa le mošemane yo monnyane, re phetše tlase, tlasetlase ka bohlabela, borwabohlabela bja Kentucky ka Dithabeng tša Cumberland. Gomme batho ba gešo, re be re dula ka ntlong ye nnyane ya dikota, e bilego le dikamora tše pedi, gomme e be e le selo sa go lebega go šokiša. Ba be ba se na lebatso le le itšego ka go yona, eupša tšhila. Gomme Papa o be a ripile bogodimo bja kutu, e ka ba bokoto *bjola*, a bea maoto a mararo ka tlase bakeng sa tafola, gomme o be a hweditše seripa sa kgale go tšwa ntlongpolokelo gomme a dira pa—pa panku ye nnyane gore boBranham ba bannyane ba ba be ba kgona go dula godimo kua le go ja matena a bona.

⁸⁵ Gomme ka gore, go be go le mpete o tee, gomme e be e le wa Papa le wa Mama, o dutše godimo ka go la ngele la ntlo ge o tsena go tšwa moraleng. Gomme rena digotlane re be re swanetše go phara lere, lere la go dirwa ka gae, magong a mabedi ka diphata tsoko go le putla, re ile godimo ka kamoreng ya ka godimo gomme go be go le matrasi a kgale a mahlaka. Ga ke ge eba o kile wa bona o tee goba aowa. Mpete wa kgale wa mafoga? Gomme ba bile le dišengele tša klapbete go yona, gomme—gomme di be—di be di beilwe seetšeng sa ngwedi, gomme di be di retologetše godimo. Gomme setswalelo sa kgale se tšwile dikoteng, Mama o be a swanetše go bea seripa sa tente godimo ga rena digotlane bošego, gobane lehlwa leo le fokelago ka gare le ka re fa go gohlola.

⁸⁶ Gomme dinako tše dingwe go swana le bašemane ba bannyane, go be go le ba senyane ba rena, ka fao re bego re nyokanyoka go tšwa ka tlase ga mapai. Gomme go be go tla ba, mo mosong mahlo a rena a a be a tla be a tswaletšwe gohle go tšwa go tonyeng, Mama o rile e be e le dithoko ka go wona, ga ke tsebe ke eng, eupša o e biditše *dithoko*, di be di tla gomarelana mmogo, tša tliša go tonya mahlona gago.

⁸⁷ Rakgolo o be a le motsomi, o theile le go tsoma bophelo bjohle bja gagwe, Makgolo o be a le Moindia, Moindia wa Cherokee, gomme re bile le maalafatšohle ka ntlong ya gešo, yeo e be e le krisi ya phaga, diphaga. Rakgolo o be a tla di tanya, ka gona o be a tla tološa makhura, a a bea ka kotikoting. Gomme a be a loketše lethakgo, goba mogolo wa go baba, goba—goba monwana wo o gobaditšwego, e ka ba eng, e be e nyakile go ba maalafatšohle ka ntlong ya gešo.

⁸⁸ Kafao ge Mama a be a etla go materapo, gomme ke be ke le yo mogologolo, gomme o be a tla re, “William, theoga.”

ke be ke tla retologela godimo go ngwanešu, Edward, yo a fetilego bjale, ke mmiditše Humpy, gomme ke rile, “Phafoga Humpy, Mama o a bitša.”

O rile, “Ga ke kgone go bula mahlo a ka.”

Ke rile, “Le nna ga ke kgone.”

⁸⁹ Gomme bašemane bohle ba bannyane ba be ba sa kgone go bula mahlo a bona, go nyakile, gobane go be go ne phefo go kgabaganya fale, re be re tšwele ka tlase ga mapai, tšhireletšo, gomme go re file go tonya, gomme re bile le dithoko ka mahlong a rena.

Mama o rile, “Seo se lokile, Hani, ke tla be ke rotogile feela mo metsotsong e se mekae.”

⁹⁰ Gomme o be a hwetša krisi ya phaga gomme a e bea godimo ga se—se setofo gomme a e dira gore e fiše yohle. Gomme re ja diphaga renabeng. Kafao gona, o be a tla dira krisi ye ya phaga e fiše, gomme a tla godimo, gomme šidila mahlo a rena ka yona, go fihla dithoko tšohle di tlogile. O a e dumela goba aowa, o re lokišitše ka yona, re bile gabotse.

⁹¹ Yeo e ka thuša go bula mahlo fa a tlhago, eupša re bile le tlhaselo ya go tonya, le rena, Bakriste ba bantši ba tšwele ka tlase ga mapai, ka tlase ga tšhireletšo ya Morena Jesu, go bile le phefo e kgabaganya naga e bolela gore matšatši a mehlolo a fetile, le ditirelo tša phodišo, le dilo tšohle tše tša Moya wo Mokgethwa, ga go selo go yona. O ka no ba o swerwe ka phefong, o na le mahlo a gago ohle a tswaletšwe go dilo tša Modimo.

⁹² Ge Morongwa wa Modimo a etla fa mo matšatšing a mafelelo go bonagatša Seetša sa go tla ga Jesu, o ka no se kgone go Se bona. Nka se nee taelotšhomišo ya makhura a phaga, eupša ke a tseba go na le Sehlare sa mahlo se Modimo a nago naso, Se bitšwa Moya wo Mokgethwa, Oli ya go tlotša ya Modimo go tšwa Teroneng ya Modimo, yeo e tla bulago mahlo a gago, gomme o tla kgona go bona gore Jesu Kriste o no swana lehono bjalo ka ge A bile maabane, gomme o tla ba go ya go ile.

⁹³ Moya wo Mokgethwa wa Modimo, lehono, o sepelela ka gare go tšwa go ditirelo tše kgolo tša phodišo, o etla fase go phosithifi, Jesu a etla magareng ga batho le go phethagatša le go dira maswao a go swana a go batamela ga bofelo bja lebaka le, boka A dirile go Bajuda ge A boditše Filipi o be a le ka tlase ga mohlare, goba, Nathaniele o be a le ka tlase ga mohlare ge Filipi a mo hweditše.

⁹⁴ Gomme o rile, “Rabi, O ntsebile bjang?” ge A mmoditše o be a le monna wa go botega, Moisraele, gomme go se bofora. Ge Jesu a mmoditše moo a bego a le gona, o wetše maotong a Gagwe gomme o rile, “Rabi, Wena o Morwa wa Modimo; Wena o Kgoši ya Israele,” gobane o be a butše pelo ya gagwe go Moya wa Modimo o kokotago, seo se profetilwego ke Moshe, moetapele wa bona, a re, “Morena, Modimo wa lena, o tla tsoša Moprofeta wa go swana le nna. Gomme go tla direga gore e ka ba mang a ka se kwego Moprofeta yo o tla kgaolwa.” Gomme ka kgonagalo setšhaba ka moka se be se kgaotšwe.

95 Modimo o kokotile. [Ngwanešu Branham o kokota godimo ga phuluphithi—Mor.] Kereke e lebeletše, gomme e rile, “Le a tseba, monna yola ke mmolelelamahlatse, Beletsebubu.”

96 Jesu o rile, “Le bolela seo ka Nna, Ke tla le lebalela, eupša letšatši le lengwe, Moya wo Mokgethwa o tla tla, gomme go bolela lentšu le tee kgahlanong le Wona go ka se tsoge go lebaletšwe.” A ga le bone kereke e ikgaola yonamong gape ka go se bule pelo ya bona, le go dumelela Moya wo Mokgethwa go tsena?

97 A ga se A re go mosadi mo sedibeng, “Sepela o tšee mogatšago”? Samaria e be e se ya ke ya Mmona, eupša ba be ba Mo lebeletše.

Gomme o rile, “Ga ke ne mogatša.”

O rile, “Gabotse, o bile le ba bahlano, gomme yo o dulago le yena ga se wa gago.”

Pelo ya gagwe ya bulega, o rile, “Mohlomphegi, O swanetše go ba o le moprofeta. Re a tseba Mesia o etla.”

98 Oo, nna! Mosadi yola o tsebile bontši ka ga Modimo go feta bareri ba bantši ba dira. Yeo ke nnete. Le ge ka go tumo ye mpe ya gagwe, o bile le pelo ye e bego e ka kgona go bulega ge Modimo a kokotile mojakong, o tsebile Mangwalo a Makgethwa, gore letšatši le be le batametše.

99 O rile, “Ke a tseba gore Mesia o etla, re tseba seo, gomme ge A etla, O tla dira se.”

O rile, “Ke nna Yena yoo a bolelago le wena.”

100 Thwi ka pelong ya gagwe O ile. Tlase go kgabola toropokgolo, gomme o rile, “Etlang, bonang Monna Yo a mpoditšego dilo tše ke di dirilego. A Yo ga se Mesia?”

101 A Mesia yo wa go swana ga se a bolela feela pele A bowa, gore leswao le le filwego Sodoma le Gomora le be le tla bowa gape ka go lebaka la Bantle?

102 Kriste o kokota pelong. [Ngwanešu Branham o kokota godimo ga phuluphithi—Mor.] “Wa go swana maabane, lehono, le go ya go ile,” Lentšu la Gagwe le a e bolela, Moya wa Gagwe o e tiišetša magareng ga batho. Gobaneng o sa bule pelo ya gago gomme wa Mo dumelela go tsena le go ba Morena? O re loketše kudu, gomme efela, re sehlogo go Yena.

103 Re leboga dikereke tša rena, badiša ba rena, maloko a rena, matikone a rena, a rena, disosaete tšohle, re a ba leboga, gomme ba dira mošomo wa go kgahliša, bontši bja bona, a go lebogwe Morena, eupša efela, go tšea motho ka motho.

104 Kereke e ka se kgone go bula pelo ya gago, o swanetše go bula pelo ya gago; kereke e ka se kgone go tla ka pelong ya gago, Jesu o swanetše go tla ka pelong ya gago; kereke e ka se kgone go ba Morena godimo ga gago, Kriste ke Morena godimo ga gago. Efela

o wa kereke, seo ke sosaete sa Gagwe, yeo ke tsela ya Gagwe ya go e dira, eupša efela, o swanetše go Mo dumelela go tseña, gomme morago wa tšoenä le badumedi ba bangwe, seo ke se se e dirago.

¹⁰⁵ Bjale, re phela ka matsatšing a mafelelo. Re lebelela go dikologa go bona bobotse bja Modimo. Ka fao gore ka matsatšing a rena ge go se kholofelo. . . Lebelelang fa, a le lemogile gore re mo nakong ya bofelo? A le a lemoga banna bohle ba bagolo ka lefaseng ba akanyetšapele gore se sengwe. . .? Gobaneng, re ka thuthupišwa ka motsotso e ka ba ofe! Gomme Moya wo Mokgethwa o le file monyetla wa go tla magareng ga moo A lego, le go kokota mojakong wa pelo ya gago. [Ngwanešu Branham o kokota phuluphithing—Mor.] “Bonang, Ke eme mojakong, gomme ke a kokota.”

¹⁰⁶ O re, “Ngwanešu Branham, ga ke kgone go e kwešiša.”

E no bula gatee. Mo dumelele a tsene.

¹⁰⁷ “Ga ke tsebe feela mokgwa wa go dumela maswao a, le dilo tšohle tše, ga ke tsebe.”

¹⁰⁸ Seo ke se Moethopia a se boletšego go Filipi, “Nka kgona bjang go tseba se, ntle le ge monna tsoko a nthuta?” Moya wo Mokgethwa o rometšwe fa bakeng sa morutiši, a nke A tle ka pelong ya gago, O tla go ruta gore Jesu o a swana.

¹⁰⁹ O rile, “Ge Moya wo Mokgethwa o tlile, O tla paka ka Nna.” Gomme re a tseba gore yeo ke therešo.

¹¹⁰ Bjale, O lokile kudu, go lebega o ka re re ka kgona go leboga bobotse bja Gagwe. Ge lefase le ehwa ka tlala, re ne mokhora. Ke bana ba bannyane ba bakae ka India bošegong bjo, le mafelo a mantši, ga go selo e ka ba eng go ja se ka fiwago? Ke batho ba bakae ba dipelo tša go swarwa ke tlala ba nyakago Modimo ba ka fago e ka ba eng go dula ka kopanong ye bošegong bjo?

¹¹¹ A nke ke le fe pono ye e fokologo: Ke batho ba bakae ba nweletšego mošola wa dikgao tša kgaogelo ka heleng ya diabolo le tlhorišo ya sekatapowana? Ka fao ba tla ratago go tla morago le go ba le sebaka se tee gape! Ba be ba tla dira eng bošegong bjo ge Jesu a be a ka tla heleng le go kokota pelong ya bona?

¹¹² “O a Nkgana letšatšing le, mo matsatšing a masetlapelo a gago ge o mpitša, Ke tla no sega.” Le ke letšatši, o se ke wa le diegišetša gosasa, lehono ke letšatši la phološo. Efela bontši bja lena, mohlomongwe, le letile lebaka la mengwaga, O kokotile, le go kokota, le go kokota, ga le arabe.

¹¹³ “Ke Modimo wa go loka,” bjalo ka ge Oral Roberts ka mehla a boletše. Yena ke Modimo wa go loka, Yena ke Modimo wa kgaogelo, gomme gape Yena ke Modimo wa kahlolo.

¹¹⁴ Bjale, tlase ka Borwa moo ke yago bontši ka moka, ke be ke le maikhutšong a mannyane letšatši le lengwe tlase fale. Sehlopha sa batho, se sebotse sa bašweu ba borwa ba kgale tlase kua ka Florida. Re be re le ntle re thea dihlapu, gomme ke ge

Ngwanešu Evans a lomilwe ke noga yela ya seroromedi, gomme ga se ka ke ka e bona pele ka bophelong bja ka, dimaele tše pedi morago, ke be ke swanetše go rwala monna wa diponto tše lekgolo masomeseswai.

¹¹⁵ Noga ye kgolo ya kgale ya seroromedi, ye mpempe go feta molomathoko wa gago, nako efe kapa efe, e mo lomile leotong, gomme leoto la gagwe ka moka le nno golofala, a leka go nthuša ka kerepole ya e ka bago diponto tše lesomepedi, ka mabjanyeng moo dikgaga, le se sengwe le se sengwe, di robotšego tikologong. Gomme o tabogile go e swara, gomme o nno goelela le go swara leoto la gagwe. Ke tšwetše ntle gomme go be go le mašoba a mabedi a meno e ka ba ka mokgwa *wola*, madi a tsorotla go tšwa go ona.

O rile, “Ngwanešu Branham, lehlakore la ka ka moka le gatsetše, le bohloko kudu.”

¹¹⁶ Ke be nka kgona bjang go mo rwala go kgabola dirorobja? A imela e ka ba diponto tše lekgolo masomeseswai, wa dikgato tše tshela botelele. Ngwanabo o be a lomilwe dikgwedi di se kae pele ga fao, modiradibe, o ile sepetlele ka seemong sa go šiiša.

Gomme ke rile, “Oo, Ngwanešu Evans! Modimo wa kgaogelo, eba . . .” Ke naganne, “Nka dira eng?”

¹¹⁷ Ke eletšwe Lengwalo. Le be le le eng? Yo mongwe a kokota mojakong. “Ke nna Morena, Modimo wa gago, Ke nna yona thušo ye e lego gona ka nako ya bothata.” Ke a elelwa O rile, “Ba tla gata godimo ga dihlogo tša disephente le mašikišiki, gomme ga go selo le ka mokgwa ofe se ka ba kwešago bohloko.”

¹¹⁸ Ke beile seatla sa ka godimo ga leoto la gagwe, yena a goelela, megokgo e rotha go tšwa marameng a gagwe ka mokgwa woo go tšwa go bohloko, ke rile, “Tate wa Legodimong, ke kokota mojakong wa Gago, re ka seemong sa tšhoganetšo. Eba le kgaogelo, O Modimo!”

¹¹⁹ Gomme ge re boletše seo, gomme ke tspotše Lengwalo, ke lebeletše godimo gomme o be a sega, mahloko ohle a be a ile. Re theile letšatši ka moka. Gomme bošegong bjoo ka iri ya lesomepedi, ge re be re le tlase fale re tšea diswantšho, ke a thank a be e le felotsoko tikologong kua, Gene, go dira baeti bohle go tsena go bona molakalaka wo mogolo wa kerepole yeo Morena a mphilego, gomme ngwanabo o tlile gomme re boletše kanegelo.

¹²⁰ Gomme ngwanabo modiradibe o rile, “Ema motsotso, Welch,” o rile, “go lokile go ba wa bodumedi, eupša e sego go tshereana.” O rile, “O a tseba, ke robotše dikgwedi tše tharo ka sepetlele, gomme dikgwedi tše pedi ka morago ga fao ka samente leotong la ka ka yela, ye nngwe ya gona go longwa ke seroromedi.” O rile, “Wena hwetša thušo ya kalafo, feela ka pela ka mo o ka kgonago.”

121 O rile, “Lebelela mo, ngwanešu, o ka no tseba dilo tše ntši, eupša ga o tsebe dilo tšohle. Ge Modimo wa ka a kgonne go ntlhakodiša go tloga ka iri ya lesometee mosong wo go fihla ka iri ya lesometee, bošego, A ka kgona go ntlhokomela nako ka moka.”

122 E be e le eng? [Ngwanešu Branham o kokota godimo ga phuluphithi—Mor.] A kokota mojakong wa Gagwe ka nako ya tšhoganetšo. Ga ra swanela go leta go fihla nako yeo ya tšhoganetšo. Letšatši le lengwe lehu le ya go tla godimo mojakong wa gago [Ngwanešu Branham o kokota godimo ga phuluphithi.], gomme le ya go kokota. Oo, nna, o ya go hlologela go kokota gola ka nako yeo!

123 Ke bone batho ba ba segilego Moya wo Mokgethwa, ke ba swere ge ba ehwa. Le se ke la sega Kriste, hlomphang Yena, Mo tlotleng. Tlogang go dithutamodimo le dikwi tša lena beng. E no dumelelang Moya wo Mokgethwa . . . Le filwe dikwi tše tlhano, eupša tšona dikwi tše tlhano, mabohlale a gago, ga se a ke a fiwa wena go go hlahla. Sekwi sa boselela, seo e lego tumelo, se filwe wena gore se go hlahle, seo ke sekwi sa boselela, seo ke sekwi sa godimodimo, se a go hlahla.

124 Tlase ka Shreveport, Louisiana, le mogwera wa ka wa go loka wa kgale, Ngwanešu Moore, go be go le ngwanešu wa kgale, wa lekhalate tlase kua yo, o be a le mokgalabje, wa go loka, leina la gagwe e be e le Gabriel. Ba mo fa, mmagwe, mosadi wa bodumedi, papagwe, ba mo fa leina la *Gabriel*, eupša bohle re mmiditše *Gabe*, feela bakeng sa boripana.

125 Gomme mogatšagwe o be a le Mokriste wa go kgwahla, motho wa go ratega kudu, gomme modiša wa kereke o be a le ngwanešu wa go kgahliša, gomme ba dirile se sengwe le se sengwe ba bego ba kgona go hwetša Gabe wa kgale go otlollelwa ntle le Modimo. Eupša Gabe o ratile go foša letaese, gomme—gomme o—o nno se ye thwi le Modimo.

126 Gomme Gabe o be a rata go tsoma, gomme le modiša o dirile bjalo, gomme modiša o be a tla tla godimo, le go tšea Gabe le go mo iša go tsoma, le—le go ya pele. Gomme letšatši le lengwe ge ba be ba tsoma, Gabe wa kgale o be a robja kudu ke diphoofolo, dinonyana le mebutla, go fihla a sa kgone go di kuka, ebile o bile le tšona godimo ga molongwana wa sethunya sa gagwe, a tsena, tšohle a kgonne go di kakatlela.

127 Gomme ba be ba etla go dikologa tsela ye nnyane ye e itšego, gomme Gabe wa kgale o tšwetšepele a hlokometše morago go leba bodikela, gomme letšatši le be le dikela. O be a tampela ka mengwaga, masomethano a gagwe. Gomme o tšwetšepele a seditše letšatši lela.

128 Modiša, ka potego, a dira tsela ya gagwe go bapa le tsela, bobedi bja bona ka diphoofolo tše ntši kudu. Ka morago ga lebakana, modiša o ikwetše seatla godimo ga legetla la gagwe

se mo kgwatha. O rile, “Modiša?” Gomme o retologile. Gabe o be a mo lebeletše, megokgo e keketla go theoga marama a gagwe. O retologile gape le go lebelela go leba letšatšing, o retologetše morago gomme o rile, “Modiša, mo mosong, go beng Lamorena mosong, *nna ke tla tlase kerekeng le mogatsake wa go ratega. Nna ke ya go rotogela pankeng ya molli* gomme ke dire boipolelo bja ka. Morago ke ya go ikhweletša setulo feela kgauswi le ka pele ka mo nka kgonago go hwetša, ke dula fao go fihla Jesu a etla go ntšea. Ke tla phela therešo go Modimo go tloga letšatši le go ya pele.”

129 Modiša o retologile gomme a bea matsogo a gagwe go dikologa ngwanabo, o rile, “Gabe, šegofatša pelo ya gago, mošemane.”

130 O rile, “O bona letšatši lela le dikelago mošola, Modiša? Letšatši la ka le a dikela, le lona. Gomme Sengwe se kokotile pelong ya ka feela dinakwana di se kae tša go feta.”

131 O rile, “Ke thero efe ke e rerilego, Gabe? Ke molaetša ofe ke o rerilego woo o o kwelego, woo o go dirilego go retologa? Goba ke pina efe baopedi ba e opetšego yeo e go dirilego go retologa le go neela bophelo bja gago go Morena Jesu?”

132 O rile, “Modiša, ke go kwele o rera thero ye botse ye maatla makga a mantši, ke kwele dikhwaere di opela go fihla go lebega o ka re ba be ba na le dikoša tša Barongwa,” o rile, “yohle e be e lokile kudu,” o rile, “eupša seo ga se seo se e dirilego, Modiša, gohlegohle.” O rile, “Ke be ke etla go bapa fa ke nagana ka fao A lokilego go nna, feela ka fao go lokilego.”

133 O rile, “O a tseba, Modiša, ke nna mothunyi wa lemphoši,” o rile, “ga se ke kgone go korola selo. Gomme re be re hloka dijo ntlong ya rena, gomme nno lebelela diphoofolo tšohle tše A mphilego. Ka nnete, O swanetše go nthata, goba O be a ka se ntirele yona.” O rile, “Ke retologile go re, ‘Ke a go leboga.’ Gomme Sengwe se kokotile pelong ya ka, gomme se rile, ‘Letšatši la bophelo bja gago le a dikela.’”

134 Yena o re loketše. Gabe o dirile feela se a boditšego modiša o be a tla se dira, gomme bokgole bjo ke tsebago o sa no ba moleloko wa mangwalo wa mmele wola wa Pentecostal wa badumedi tlase fale. Gobane o lebeletše ntle gomme o bone bobotse bja Modimo, gomme Sengwe se kokotile pelong ya gagwe, gomme se rile, “Gabe, Ke go fa tšona dilo, ga se o kgone go korola selo, Ke go fa tšona.”

135 Ke nyaka le botšiše bošegong bjo: “Ke mang a go fago koloi ya gago? Ke mang a go fago dijo tše botse tšela o di jago bošegong bjo? Ke mang a go fago diaparo tše botse tše o di aperego?” O ka kgona bjang go Mo gana, ge letšatši la tllabologo le dikela, letšatši la nako le a dikela? Jesu o etla, gomme O a kokota bošego ka morago ga bošego mejakong ya pelo. A o ka se bule bošegong bjo, mogwera wa ka wa go šokiša, wa go hlonama, gomme wa Mo

dumelela go tseba ka go wena, le go lalala le wena, gomme wena le Yena? A le ka se nagane ka seo bjale, ge re inamiša dihlogo tša rena feela nakwana?

¹³⁶ Ke a kgopela gore le tla ba tlhomphokgolo kudu bjale. Moya wo Mokgethwa o ka hwetša lefelo la Wona ka dipelong. Yena o go loketše gakaakang? Lebelela o robetše mo ka sepetlele; lebelela o nyakile o ehwa lebakana la go feta ka kololing yela; nagana ka nako ge o rile go yola yo monnyane, goba mme yola, “Ke tla kopana le wena go kgabaganya lewatle, mošola, mama, papa, monnamogatša, mosedimogatša, ngwanešu, ngwana.” Gomme efela O go šegofadiše, gomme o kgona go ba mo bošegong bjo, seo se tšwa go Modimo.

¹³⁷ Ge le sa ne dihlogo tša lena di inamišitšwe, ke a makala ge eba yo mongwe fa bošegong bjo ka go batheetiši ba ba bonalago a ka rata go re go Jesu, “Morena, o bile go loka kudu go nna, ke nyaka O tle ka pelong ya ka thwi bošegong bjo. O se dumelele letšatši go hlaba mosong ntle le ge O etla pelong ya ka. Ke nyaka go e boledišana le Wena. Ke a tseba re mo nakong ya bofelo, saense ya rena e re re gona, setšhaba sa rena se a tseba re gona, sešole sa lewatleng se a tseba re gona, madira a a tseba re gona, gomme ka godimo ga tšeo tšohle, Beibele e re re gona, gomme Moya wo Mokgethwa, ka maswao a Gagwe ka Kereke o tlišetša gore re gona. O bile go loka kudu go nna, Morena, Ke tla rata go e boledišana le Wena pele ke tšhelela mošola.”

¹³⁸ A o ka rata go phagamišetša seatla sa gago go Yena bakeng sa polelišano ye nnyane pele re tswalela ka thapelo? E no phagamišetša seatla sa gago godimo, o re, “Modimo, nkgaogele, ke nyaka go e boledišana le Wena.” Morena a go šegofatše. Morena a go šegofatše, mohumagadi. Morena a go šegofatše. Godimo ka maphagamong, go ya go la go ja, Morena a go šegofatše fao, mohlomphegi.

¹³⁹ Yo mongwe gape? “Ke tla rata go e boledišana. O a kokota, Morena, ke nyaka go—ke nyaka go bolela le Wena feela gannyane nthatana metsotso e se mekae ya go latela. Ngwanešu Branham, nkakaretše ka thapelong ya gago.”

¹⁴⁰ Modimo o tla kwa thapelo ya gago.

¹⁴¹ Bophagamong go ya go la ngele, yo mongwe phagamiša seatla sa gago gomme o re, “Nthapediše, Ngwanešu Branham.”

¹⁴² Bophagamong ka pele, Modimo a go šegofatše, mohumagadi. Modimo a go šegofatše. Ka tlase kua, lebatong, Modimo a go šegofatše go la ka le letona. Seo ke se sebotse. Oo, ke bona diatla tša lena ka moka morago ka kua, ka moka morago go la go ja, Modimo a le šegofatše. Modimo a šegofatše yo mongwe le yo mongwe wa lena.

¹⁴³ Methaladi ya gare go kgabola mo, phagamišetša seatla sa gago godimo, e re, “Nkgaogele, Morena. Ke—ke nyaka go e boledišana pele ke tloga mo. O kokota pelong ya ka, ke—ke

ikwela o ka re ke swanetše go e boledišana le Wena, ke na le dilo tše dingwe ke ratago go di rarolla.”

144 Phagamišang diatla tša lena, mokgoba wa gare? Mekgoba go ya go la ngele, a o ka phagamiša diatla tša gago? Modimo a go šegofatše, kgaetšedi. Modimo a go šegofatše, wena, le wena, le wena. Modimo a go šegofatše. Seo se lokile. Modimo eba le kgaogelo.

145 Wena o Modimo wa meloko yohle. Gomme O boletše gore ka letšatšing le la kereke ya Laodikia, gore O tla ema mojako gomme wa kokota, gomme ge motho e ka ba mang a ka kwa go kokota gomme a bula mojako, O tla tsena, gomme wa lalela le bona.

146 Bjale go bile le lešaba le legolo fa, gomme mohlomongwe masometharo goba bontši bošegong bjo ba phagamišitše diatla tša bona, go tsebeng gore O fa o kokota mojakong wa bona. Bjale, Morena, O tshepišitše O tla tsena, ke dumela Wena, ba dumela Wena, kafao bolela khutšo go dipelo tša bona, Morena. Gomme ke neela thapelo ye legatong la bona: gore go se be le o tee wa bona a lahlelago, a nke bohle ba phološwe ka mogau wa Gago wa go makatša. A nke Jesu a tsene ka dipelong tša bona bošegong bjo, a tšee marapo, gomme mejako yohle e bulege, gore A ke a be bobedi Mophološi le Morena, gore A kgone go ba hlahla go kgabola meetšana ya muši ya bophelo gomme a ba hlahlele go:

Mothopo o tladišwego ka Madi,
A ntšhitšwe go tšwa ditšhikeng tša Imanuele,
Moo badiradibe ba phonkgetšego ka tlase ga
lefula,
Ba lahlelwa ke dipatso tšohle tša molato wa
bona.

147 Gomme go tloga fao go ya Legaeng le legolo la Modimo yo a phelago moo soulo e sa tsogego ya hwa, moo go sego bolwetši, manyami, goba botšofadi, ga go lehu fao le ka kgonago go tsena lefelong lela la thabo, le lekgethwa. Morena, a nke soulo ya bona e tšee khutšo ya yona ya Gosafelego go tloga iring ye go ya pele godimo ga tshepišo ye kgolo yela. “Bohle ba Tate a Mphilego, ba tla tla go Nna. Gomme yo a tlogo go Nna, Nka se mo rakele ntle le ka mogkwa ofe. Ke tla mo tsoša ka letšatši la mafelelo, ka mo fa Bophelo bjo Bosafelego.” Gomme gape, go ngwadilwe, “Yo a kwago Mantšu a Ka gomme a dumela go Yena yoo a Nthomilego o ne,” lebaka la bjale, “Bophelo bjo Bosafelego, a ka se tle kahlong, eupša o fetile lehung go ya Bophelong.” E fe, Morena. Ke ba gafela ka diatleng tša Gago bjale.

148 Šegofatša bao ba babjago le go tlaišwa. A nke ba bao ba phagamišitšego diatla tša bona gosasa mosong, boka Gabe wa kgale tlase ka Louisiana, a hweditšego tsela ya gagwe go ya kerekeng, fale o kolobeditšwe ka go tumelo ya Bokriste, o ipoletše Jesu bjalo ka Mophološi wa gagwe, o tšere lefelo la gagwe ka pele, gomme fao a dula, a nke ba dire go swana,

Morena. Ge nka se hwetše go šikinya diatla tša bona bophelong bjo, a nke ka go Bophelo bjola bjoo bo tlogo, a nke ke kopane le bona go kgabola mabaka ohle, go kgabola Bokagosafelego.

¹⁴⁹ Šegofatša bao ba hlokago mo bošegong bjo, Tate. Ge go ka ba ba bangwe ba šetšego go tloga mantšiboeng a go feta bao ba sa fodišwago, re rapela gore O tla ba fodiša bošegong bjo. Bolela kgaogelo go bona gore ba ke ba tsebe gore ke Moya wa Gago o kokotago mojakong wa bona. A nke ba Go laletše ka gare bošegong bjo, Morena. Ka gore re a e kgopela, Leineng la Jesu, Morwa wa Gago. Amene.

Go na le Mothopo o tladitšwe ka Madi,
A ntšhitšwe go tšwa ditšhikeng tša Imanuele,
Gomme badiradibe ba phonkgetše ka tlase ga
lefula leo,
Ba lahlegelwa ke dipatso tšohle tša molato wa
bona.
Ba lahlegelwa ke dipatso tšohle tša molato wa
bona,
Ba lahlegelwa ke dipatso tšohle tša molato wa
bona;
Gomme badiradibe ba phonkgetše ka tlase ga
lefula leo,
Ba lahlegelwa ke dipatso tšohle tša molato wa
bona.

¹⁵⁰ Oo, a ga le Mo rate? A ga A makatše, gabotse kudu, o tletše kgaogelo le botho? O yo mogolo gakaakang! O lokile gakaakang! A re nong bohle ka moyeng wa thapelo bjale, re opele temana ye—ye:

Lehodu le le hwago le thakgetše go bona
Mothopo woo ka letšatšing la gagwe;
Fao a nke le nna, le ge ke le mobe bjalo ka yena,
Ke hlatswe go tloša dibe tšohle tša ka.

¹⁵¹ A re e opeleng bjale. Go lokile, Ngwanešu Creech, go lokile.

Lehodu le le hwago le thakgetše go bona
Mothopo woo ka letšatšing la gagwe;
Gomme fao a nke le nna, le ge ke le mobe bjalo
ka yena,
Ke hlatswe go tloša dibe tšohle tša ka.
Ke hlatswe go tloša dibe tšohle tša ka,
Ke hlatswe go tloša dibe tšohle tša ka;
Gomme fao a nke le nna, le ge ke le mobe bjalo
ka yena,
Ke hlatswe go tloša dibe tšohle tša ka.

¹⁵² Oo, a ga le rate bobose bjola, bja fešene ya kgale bja Moya wo Mokgethwa? Oo, nna! Oo, ke no rata seo! A re opeleng, “Khutšo! Khutšo! Khutšo ya go makatša, e theoga go tšwa go Tate godimo.” A le a e tseba? Go lokile.

Khutšo! Khutšo! Khutšo ya go makatša,
 E theoga go tšwa go Tate godimo;
 Swiela godimo ga moya wa ka go ya go ile, ke
 a rapela,
 Ka go maphotho a go hloka botebo a lerato.
 . . . Khutšo ya go makatša,
 E theoga go tšwa go Tate godimo;
 Swiela godimo ga moya wa ka go ya go ile, ke
 a rapela,
 Ka go maphotho a go hloka botebo a lerato.
 Oo, ka fao ke ratago Jesu,
 Oo, ka fao ke ratago Jesu,
 Oo, ka fao ke ratago Jesu,
 Gobane O ratile pele. . .

153 A re tshepišeng potego ya rena ka diatla tša rena godimo.

Nka se tsoge ka Mo tlogela,
 Nka se tsoge ka Mo tlogela,
 Nka se tsoge ka Mo tlogela,
 Gobane O nthatile pele.

154 O Morena, Jehofa yo mogolo, ka fao re Go ratago bošegong bjo, gobane O re ratile pele, gomme o re ratile kudu ge re be re le badiradibe gore O neele Morwa motswalwanoši wa Gago, gore mang le mang a dumelago go Yena a be le Bophelo bjo Bosafelego. “Se ke seo re se tsebago, re fetile lehung go ya Bophelong, ge re na le kopanelo seng sa rena le go ratana seng. Gomme Madi a Jesu, Morwa wa Gago, a re hlwekiša go tšwa go goseloke gohle.”

155 Tate, a nke Moya wo Mokgethwa, lephoto morago ga lephoto, o swiele godimo ga disoulo tša rena le go re hlwekiša go tloga go dilo tša lefase. Tsena dipelong tša rena bošegong bjo, Morena, gomme e sego feela go ba Mophološi, eupša eba Morena. Tšea mabohlale a rena gomme o a lahle go tloga go rena, Morena, ge a le kgahlanong le Lentšu la Gago. A nke re bone feela Jesu gomme Yena mmapolwa. A re se sepele go ya ka tlhahlo ya rena ya monagano wa rena, eupša ka tlhahlo ya Moya wo Mokgethwa. E fe, Tate.

156 Hlwekiša sehlopha se sa batho bošegong bjo ba ba bego ba dutše ba le gona, a nke ba se tsoge ba lebala mejako ka gare ga dipelo tša bona. Bjale a nke Moya wo Mokgethwa o tle gomme a ikutolle go rena Yenamong. Modimo, ge re hweditše mogau mahlong a Gago, a nke A tle bjale le go netefatša gore O fa le rena mo letšatšing le la mafelelo.

157 Wena o Mojako go ya lešakeng la dinku, Wena o Kgoši ye e tlogo, Wena o Morena wa Letago, Modimo wa Abraham, Rosa ya Sarena, Lili ya Moeding, Naledi ya Moso, Alefa, Omega, Mathomo le Mafelelo, Yo a Bilego, gomme A Lego, gomme a Tla Tlogo, Modu le Lehlogedi la Dafida. O Modimo, Wena o Moeletši,

Mokgoma wa Khutšo, Modimo yo Maatla, Tate wa Gosafelego, Wena o Mophološi, Mofodiši, Wena o *Tšohle*, Morena.

¹⁵⁸ Re a Go rata, gomme re a Go ananela, gomme re lahlela pelo ya rena yohle go bulega, Morena. A nke Kgoši ya Letago e tsene. “Phagamang lena dikgoro tša neng le neng, gomme phagamelang godimo, gomme a nke Kgoši ya Letago e tsene,” e tšea taolo ka botlalo bjalo ka Mophološi, bjalo ka Morena, bjalo ka Kgoši, bjalo ka Molaodi, bjalo ka Mmušiši, bjalo ka Mofi wa Khutšo, bjalo ka Molaodi wa ditsela tša rena. E fe, Morena. Re a e kgopela, Leineng la Yena yo a re rutilego bohle go rapela ka mokgwa wo:

Tate wa rena Yo a lego Legodimong, Leina la Gago a le Kgethege.

Mmušo wa Gago a o tle. Thato ya Gago e dirwe lefaseng, bjalo ka ge e dirwa Legodimong.

Re fe letsatši le borotheo bja rena bja tšatši ka tšatši.

Gomme re lebalele dikarogo tša rena, bjalo ka ge re lebalela bao ba dirago dikarogo kgahlanong le rena.

Gomme o se re iše molekong, eupša o re phološe bobeng:

Gobane Mmušo ke wa Gago, le maatla, le letago, go ya go ile. Amene.

¹⁵⁹ Botho bja Morena bo na le rena. Oo, bokaone ke be fa ka kopanong boka ye, ka kopanelo ya Moya wo Mokgethwa, re dutše mmogo ka mafelong a Magodimong ka go Kriste Jesu! Oo, kopanelo ya thabo kgethwa, ga go selo boka yona ka tlase ga magodimo.

¹⁶⁰ Jesu o rile, “Kae kapa kae ba babedi goba ba bararo ba kgobokanego Leineng la Ka, Ke tla ba magareng ga bona. Mediro ye Ke e dirago, ba tla e dira le bona; bontši go feta wo, gobane Ke ya go Tate wa Ka. Lebakana le lennyane, gomme lefase ga le sa Mpona gape, efela lena le tla Mpona, ka gore Ke tla ba le lena, le ka go lena, go fihla bofelong bja lefase. Jesu Kriste wa go swana maabane, lehono le go ya go ile.”

¹⁶¹ A go ne balwetši e ka ba bafe ka moagong? Phagamišang diatla tša lena bao le nyakago go gopolwa ka thapelong. E no ba mogohle. Ke batho ba bakae ba babjago ka fa, bao ba tsebago gore ga ke le tsebe? Phagamiša seatla sa gago. Ke ba bakae ba tsebago gore Modimo o a le tseba? Phagamiša seatla sa gago.

¹⁶² Ge Jesu Kriste a swana maabane, lehono, le go ya go ile, O tla hlompha Ebangedi ye ke e rerago. Ge A se Modimo, ge A hwile, O dula a hwile, O ka lebitleng boka Bomohammedan ba re, “A re Mmone a dira selo sa go swana seo A se dirilego ge A be a le fa lefaseng gomme a tšhepišitšego O tla se dira, re tla dumela O tsogile go tšwa bahung. Eupša thuto ya lena ga e fete ya rena,

gomme re ka tšweletša feela bontši bja saekolotši bjalo ka ge le ka kgona.”

163 Oo, ga ba lemoge gore Jesu wa rena wa go ratega o a phela. Tshepišo ye nngwe le ye nngwe yeo A e dirilego ke therešo, se sengwe le se sengwe seo A se dirilego. Yena ke Moprsta yo Mogolo wa boipolelo bja rena, Yena ke Moprsta yo Mogolo yoo a kgonago go kgwathwa ke maikutlo a mabofokodi a rena. Ge o babja, Mo kgwathe, O tla dira feela ka tsela ya go swana A dirilego ge A be a le mo lefaseng.

164 Mosadi o kgwathile kobo ya Gagwe, o ile, gomme a dula fase, goba e ka ba kae a ilego ka lešabeng, O retologile gomme o rile, “Ke mang a Nkgwathilego?”

165 Gomme Petro o rile, “Gabotse, bohle ba Go kgwathile,” o Mo kgadile. “Gobaneng O ka bolela selo se sebjalo?”

166 O rile, “Eupša Ke fokotše, bokwala bo tlogile go Nna. Yo mongwe o Nkgwathile.” Gomme O lebeletše go dikologa go fihla A mo hweditše, o mmoditše taba ya gagwe ya madi e emišitše, tumelo ya gagwe e mo phološitše, gomme o ile a fodišwa.

167 Ge A le Jesu wa go swana, gomme o ka kgona go Mo kgwatha ka tumelo, ga go kobo mo go wena go e kgwatha, eupša go na le Modimo yo o ka kgonago go mo kgwatha ka tumelo ya gago, ka monwana wa gago wa tumelo, monwana wa Modimo wo o lego ka go wena, a nke o kgwathe, gona O tla šoma ka makala a Gagwe, Yena ke Morara. Ga A na dipounama eupša tša rena, ga go mahlo eupša a rena go šoma fa mo lefaseng. Moya wo Mokgethwa wa Gagwe o mo go maatlafatša makala a Gagwe go dira mošomo wa go swana.

168 Ge moisa a tšere legapu go tšwa go morara, gomme monna wa go latela o ile morago gomme a tšea lefodi, le be le sa tšwe go morara wa go swana. Ge le dirile, le hlomeseditšwe ka maitirelo, eupša ge morara wola o ka tsoge wa hloga morara wo mongwe, o tla ba le legapu.

169 Kafao ge morara wa pele wo o tšwele go Lekala, o bile le Kereke ya Pentecostal ye e dirilego maswao a go swana ao Jesu a a dirilego, lekala la go latela le tla dira selo sa go swana. Re na le mehlare ye e hlomeseditšwego, nnete, re bea papalamone godimo ga mohlare wa monamune, ke nagana o tla enywa, ee, eupša ga se kenywa ya setlogo. Mohlare wola ga se nke wa e tšweletša, e hlomeseditšwe. Re na le go hlomesetšwa mo gontši kudu ka gare lehono. Ke nyaka Moya wa go swana o bego o le godimo ga Gagwe.

170 Ke le reretše ka Abraham le tiišetšo ya kgwerano, ge a kgeitše kgwerano yela go arogana, e swanetše go sepelelana ka tsela ya go swana. Go swana . . . Ge Modimo a dirile kgwerano ya Gagwe le motho kua Khalibari, O kgeitše karolo ya Morwa wa Gagwe Mong, O tšeetše mmele wa Gagwe godimo, gomme a o phagamišetša godimo go tšwa lebitleng, le go o bea ka seatleng sa

Gagwe se setona, o rometše Moya wo o bego o le ka mmeleng wola morago go Kereke. Kereke yela e tla swanela go ba le mohuta wa go swana wa Moya ka Mmeleng wa yona woo mmele wola o bilego le wona, goba kgwerano ga se ya nepagala. Oo, a netefatšo, netefatšo ya go šegofala!

Rapelang bjale.

¹⁷¹ Ge Moya wo Mokgethwa o ka tla gomme bonnyane wa tšea batho ba babedi goba ba bararo fa bošegong bjo, re tšere dikarata tša rena tša thapelo bošegong bja go feta, gomme ge A ka tla bošegong bjo le go dira feela boka A dirile ge A be a le mo lefaseng. . .

¹⁷² Ke ba bakae ba tsebago gore ka tsela ye A tiišeditšego bodiredi bja Gagwe go beng Mesia, e be e le go tseba sephiri sa pelo ya bona? Seo ke tlwa, nnete. Badumedi ba ba beetšwego go ya Bophelong bjo Bosafelego ba e dumetše. Go bile ba bantši fale ba ipoletšego ke badumedi bao ba bego ba se ba beelwa go Bophelo bjo Bosafelego. A ga se selo sa go nyamiša go bona gore batho, batho, ba tla dula le go lebelela, gomme efela ga ba kgone go e bona?

¹⁷³ Jesu o rile, “Gabotse, Jesaya o boletše ka lena: Le na le mahlo gomme ga le kgone go bona, ditsebe gomme ga le kgone go kwa.” Le a bona? Efela ba e lebeletše thwi. Oo, ba nno se kgone go e kwešiša, gobane ba be ba se ba beelwa go Bophelo bjo Bosafelego.

¹⁷⁴ Jesu o rile, “Ga go motho a ka tlogo go Nna, ntle le ge Tate wa Ka a mo goga. Dinku tša Ka di tseba Segalontšu sa Ka.” Le a bona?

¹⁷⁵ Oo, a ga wa thaba gore o nku, bošegong bjo? A ga la thaba le kgona go bona Lentšu la Gagwe le dirwa go bonagala, go bona go tla ga Morena Jesu?

¹⁷⁶ Go lokile, rapelang bjale. A nke Moya wo Mokgethwa o nthuše. Bjale, se se ka se go fodiše, eupša se tla go dira o tsebe. . . Lebelela ka fao. . . E sego godimo ka khoneng ye nngwe ya leswiswi, thwi ntle fa moo o lebeletšego, boka Morena wa rena a dirile.

¹⁷⁷ Basetsebje ba go phethagala, ga ke ba tsebe, go no swana le ge Jesu a tsebile Petro ge a etla, goba ka moka, goba e ka ba eng e bilego, O mo tsebile. Gomme thwi mafelelong, e be e utilwe go bona nako ye telele, ka gona ba rile, mafelelong, “Oo, bjale, bjale re a dumela. Bjale re a tseba gore Modimo o Go laetša dilo tšohle.”

¹⁷⁸ Gobane O rile, “Ga Ke kgone go dira selo, go fihla Ke bona Tate a se dira.” O a swana maabane, lehono. . . Feela ga se nama ya Gagwe. Madi a Gagwe a hlwekiša nama ya gago le nama ya ka, gore Moya wa Gagwe o ke o tle ka gare le go tšwetšapele mošomo go fihla pheletšong. Yeo ke nnete.

Rapela, dumela.

179 Feela gore le ke le tsebe, ke ya go retollela mokokotlo wa ka go batheeletši. Bjale elelwang, ge ke dira se, le se ntire ke hwetše mangwalo a re, “Ngwanešu Branham, o ipiditše wenamong Morongwa yola.”

180 Yeo ke phošo. Ke nna modiradibe yo a phološitšwego ka mogau wa Kriste. Ga go kgathale se ke se dirilego, ga go kgathale Modimo o ntloditše gakaakang, ge o be o se wa tlotšwa le wena, e be e ka se šome, ke tumelo ya gago ye e e dirago. Ye e no ba mpho, go no gogela lepheko morago kgole go lekanela go dumelela William Branham go gatela kgole go tloga go lefelotiragalo gore Jesu Kriste a kgone go šoma. Bjale o gogela lepheko la gago morago kgole go lekanela gore o ka kgona go tloga go lefelotiragalo gomme Jesu Kriste a ka kgona go šoma.

181 Gomme ke a le botša, ge bona . . . Moya wa Bophelo o thoma go lwa le moya wa lehu, se sengwe se a direga. Leswiswi le ka se kgone go dula seetšeng, ebile le lehu le ka se kgone go dula moo go lego bophelo. Se sengwe se a direga, se theilwe godimo ga eng? Tumelo ya gago.

182 Ke tla retolla mokokotlo wa ka gore le ke le tsebe gore Lentšu la Jesu . . . Ge Morongwa yola a etla tlase kua ka Sodoma gomme a ile go . . . Bjale elelwang, a le kgona go e bona lehono? Sehlopha sa bohla le ga se e amogele. Ebile ga se ya romelwa go bona. E kae? Sehlopha sebiletšwa ntle, sehlopha se se kgethilwego.

183 Ke fao go bego go le sehlopha sa Abraham, babilētšwa ntle, ba aroganywa. Go be go le badumedi, Loto le sehlopha sa gagwe tlase kua, go be go le basedumele, gomme badiredi ba babedi, badiredi Morongwa ba ile tlase kua ka Moya wa Modimo ka go bona le go ba rerela, go ba biletša ntle, “Etšwang go yona!” Eupša ga se ba ke ba theetša, feela ba sego nene ba tšwile.

184 Ka tsela ya go swana go lego bjale. Eupša Morongwa yo a šetšego morago yo a boletšego le Abraham, Mokgethiwa, šetšang ke mohuta ofe wa leswao A le filego.

185 O rile, “Abraham, mogatšago o kae, Sarah?” O tsebile bjang o bile . . . o bile le mogatša? Gomme O tsebile bjang leina la gagwe e be e le Sarah?

O rile, “O ka tenteng ka morago ga Gago.”

186 O rile, “Ke ya go go etela, Abraham.” Monna, a eja nama ya namane, borotho bja lehea, a enwa maswi, o rile, “Go ya ka nako ya bophelo, gomme o ya go ba le ngwana yola yo Ke go tshepišitšego mengwaga ye masomepedi tlhano ya go feta.”

187 Gomme Sarah, go beng e ka ba lekgolo, masomesenyane, gomme Abraham lekgolo, o segile ka teng ga gagwemong, mohuta wa, “*Ha-mpi!*”

O rile, “Gobaneng Sarah a segile?”

188 Jesu o rile seo se tla bowa gape, woo e tla ba Moya wo Mokgethwa woo o bego o le ka go Motho, “Moya wo Mokgethwa wola wa go swana o tla bowa morago ka nameng ya Kereke ya Ka mo nakong ya bofelo gomme wa bontšha lona leswao la go swana. Bjalo ka ge go bile ka matsatšing a Sodoma, go tla ba bjalo ka go tlang ga Morwa wa motho.”

189 Lebelelang sehlopha se le tlilego go sona, lebelelang sehlopha se se le amogetšego. Ba ka be ba boletše eng ka Sodoma ka se sengwe boka seo? Le a bona? Modimo o tseba moo a le romelago.

190 Rapelang bjale. A nke Morena wa Legodimo a ba thuše. Feela go dikologa moago, le no rapela. Bula pelo ya gago. Homolang ka kgontho, dulang go iketla, ebang tlhomphokgolo.

191 Ke bona mosadi, o tšhogile ka kgontho, yo a rapelago. Ga ke kgone go bea mo a lego. Motsotso feela go fihla ke e hwetša. Ee, o dutše thwi tlase fa. Mohumagadi ka lehlakoreng le la gagwe, a ntebeletšego, o ne bothata bja pelo; o na le bothata bja letšhogo. Ge o dumela ka pelo ya gago yohle, bobedi bja lena beanang diatla seng sa lena fao gomme le dumele ka pelo ya lena yohle. Thwi fale, yeo ke nnete, uh-huh, go lokile. Modimo o arabile thapelo. Bobedi le fodile bjale, le ka kgona go ya gae, la fola.

192 A Yena ga a makatše? Bjale ba kgwathile eng? Ga ke tsebe basadi bale. Ge seo e le therešo, emišetšang diatla tša lena godimo, bahumagadi, ge ke sa le tsebe. Seo ke therešo, go lokile. Eupša Modimo o a ba tseba.

193 Bjale emang, go na le yo mongwe ka morago ga ka, o a rapela. Ke monna, o na le bothata bja pshio, yena, le bontši bja ditlhakatlhakano, o tsentše ditrata tša meno. Mna. Balrich, ge o dumela ka pelo ya gago yohle! Ga ke go tsebe, a ke a dira, mohlomphegi? Ga o ntsebe, eupša se se boletšwego ke therešo. Ge seo e le nnete, phagamiša diatla tša gago. Go lokile, o fodile bjale, tumelo ya gago e go dira o fole.

Bjale o a dumela? Eba le tumelo.

194 Go na le mohumagadi o dutše thwi ntle mo o lebeletše go ntebanya, o a rapela. Seetša sela se godimo ga gagwe, Seetša se se etilegopele bana ba Israele, Pilara ya Mollo ye e dirilwego go bonagala nameng, o rile, “Ke tšwa go Modimo, gomme o ile, ke ya go Modimo.”

195 Ka morago ga lehu la Gagwe, poloko, le tso go, Saulo wa Tareso, tseleng ya gagwe go theogela Damaseko, o rathetšwe fase ke Seetša seo se timilego mahlo a gagwe. O be a foufetše lebakanyana. Seetša sela sa go swana e bile Jesu Kriste, e lego Seetša sa lefase. “Saulo, Saulo, o Ntlhomaretšeng?”

196 Mosadi ga a ithapediše yenamong, eupša o rapediša monna, o na le bothata bja pelo gomme ga se a phološwa. O dula ka toropongkgolo ye, eupša mosadi o tšwa toropongkgolo ye nngwe,

o tšwa Tucson. A o dumela ka pelo ya gago yohle o tla fodišwa? Ge o dira, phagamišetša seatla sa gago godimo. Ga ke go tsebe, a ke a dira, mohumagadi? Ga se ka ke ka go bona ka bophelong bja ka. Seo ke se o bego o se rapediša. A yeo ke thapelo ya gago? Ge e le yona, šišinya seatla sa gago ka mokgwa *wo*.

A o dumela ka pelo ya gago yohle? Eba le tumelo go Modimo.

¹⁹⁷ Mošemane yola wa Moindia a dutšego ntle fale mo mafelelong, Modimo a be le wena, ngwanešu. Ga ke go tsebe, eupša ka kgonthe ke na le tlhompho go wena. O nyaka Modimo go fodiša bana ba babedi ba go babja. Yeo ke therešo, a ga se yona? O a dumela O tla e dira? O a dumela gore O tla e dira? Mmago o dutše thwi fase ka tlase ga gago fao ditsela tše nnyane, mohlomongwe seo se tla go dira o kwešise se ke bolelago ka sona. O a dumela Modimo a ka mpotša se e lego phošo ka mmago? O na le bothata bja leswafo. Modimo a go šegofatše, Moamerika wa kgonthe.

¹⁹⁸ Go be go le monna a dutše thwi mo, o lebeletše godimo go Moindia yola gomme o be a na le tlhompho ye kgolo, o dutše fase mothalong kua. O na le ngwana yo a mo rapedišago, ngwana o bile le karo godimo ga mohuta tsoko wa mogalatšhika wa bjoko, mogalatšhika wa go tsepama, goba se sengwe. Yeo ke nnete, mohlomphagi, go tšwa California. Ke a dumela Mna. Works, goba Weerts. Eba le tumelo, ngwana o tla ba gabotse.

¹⁹⁹ O a dumela? Wena ka seatla sa gago godimo, o rile o a dumela, a o a dira? Feela bjalo ka ge o boletše seo, se sengwe se rathile pelo ya gago. O bile le bothata bja pelo, bo fedile. Ga o dule fa, o tšwa leboa la fa, o tšwa toropongkgolo ye e bitšwago Globe. Ga ke go tsebe, eupša yeo ke nnete.

²⁰⁰ Go na le moisa yo monnyane o dutše morago kua yo a tlaišegago ka asma, o nyakile a no ya, atheraithisi gape, leina la gagwe ke Jordan.

²⁰¹ A o dumela go Morena wa ka? Ge A kokota pelong ya gago, a o a dumela O fa? Bjale, ge o dumela O fa, gobaneng o sa nkobamele bjalo ka mohlanka wa Gagwe? Beanang diatla seng sa lena ge le le badumedi. Le bona se Lengwalo le se bolelago? Jesu o rile, “Maswao a a tla latela bona ba ba dumelago: Ge ba bea diatla tša bona godimo ga balwetši, ba tla welwa ke maruru.” Bjale, rapelela yo o nago le diatla tša gago di beilwe godimo ga gagwe, o se ithapelele wenamong.

²⁰² Gomme, mohumagadi yo monnyane a dutšego tlase fa go tšwa Chicago, yoo a bego a tshwenywa kudu, gomme o ne menophose, gomme ditšhupu di a go tshwenya, eba le tumelo bjale, o ya go fola. O se sa tšhoga gape. Eya gae gomme o hlalale, gobane o ya go e fenyā. Seetša sa Modimo sesele se lekeletše godimo ga gago, e swanetše go direga! O se belaele, dumela.

²⁰³ Yo mongwe le yo mongwe wa lena, lefelo ka moka le tladitšwe ka Moya wo Mokgethwa gonabjale. Morongwa wa

Morena, leswao le A le fago, go kokota go tla godimo ga mojako wa dipelo tša lena. [Ngwanešu Branham o kokota godimo ga phuluphithi—Mor.] “Ke nna Morena, Modimo wa lena, yo a fodišago malwetši a lena ohle. Maswao a a tla latela bona ba ba dumelago: Ge ba bea diatla tša bona godimo ga balwetši, ba tla welwa ke maruru.” Rapela ka tsela ya gago mong.

²⁰⁴ Ramaatlakamoka Modimo, Mothomi wa Bophelo, Mofi wa mpho ye nngwe le ye nngwe ye botse, ke ema bjalo ka mohlanka wa Gago go tleleima go batho ba Ebangedi ya Gago, gore diabololo o a ba fora, Jesu Kriste o ba fodišitše.

²⁰⁵ Etšwa, Sathane! Ke a go kgalema Leineng la Jesu Kriste. Tlogela batho, gore ba kgone go ya gomme ba dirwe go fola!

²⁰⁶ Ke lena bao. Maatla a phodišo a Modimo a godimo ga lena. Dirang ka ona se a bonalago a loketše go se dira. Maatla a Modimo a magolo a phodišo a na le wena bjale, ke a gago go tleleima. Hlalala Moreneng. Emelela ka maoto a gago. Ga ke kgathale o golofetše bjang, phagamela godimo. Dumela go Morena Jesu Kriste, o ka ba le se o se kgopetšego. 🖱️

60-0312 Mojako Go Ya Pelong
Madison Square Garden
Phoenix, Arizona U.S.A.

NORTH SOTHO

©2026 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org